

**POLJOPRIVREDNO-PREHRAMBENOG FAKULTETA U SARAJEVU**, ul. Zmaja od Bosne broj 8. Sarajevo, koga zastupa dekan prof. dr Muhamed Brka, (u daljem tekstu: Naručilac),  
Transakcijski račun: **3389002208130126**  
Identifikacioni broj: **4200091870006**  
PDV broj: **200091870006**  
Tel/fax: **033/225-727**

i

**„TELNET“ d.o.o. Sarajevo**, ul. Stupska bb Sarajevo, koga zastupa direktor Aida Višća, (u daljem tekstu Izvršilac)  
Transakcijski račun: **1413095320013996**  
Identifikacioni broj: **4202070350013**  
PDV broj: **202070350005**  
Tel/fax: **033/676-181**

## **I PREDMET UGOVORA**

### **Član 1**

Predmet ovog ugovora je isporuka Projektor, Laptopa i Printera, a sve u skladu sa prihvaćenom ponudom Dobavljača broj: 0100/19 od 04.01.2019. godine, koja je priložena uz ovaj ugovor i smatra se njegovim sastavnim dijelom.

### **Član 2**

Ugovorne strane saglasno konstatuju da je ovaj ugovor zaključen na osnovu Odluke o izboru najpovoljnijeg ponuđača broj: 01-1-2568-3/18 od 18.01.2019. godine, u predmetu nabavke „Računarske opreme“ i dodjele planiranog ugovora ponuđaču, koja je rezultat prethodno provedenog postupka javne nabavke putem Konkurentskog zahtjeva za koje je objavljeno Obavještenje na portalu Javnih nabavki dana 27.12.2018. godine broj: 1365-7-1-238-3-22/18.

## **II CIJENA I NAČIN PLAĆANJA**

### **Član 3**

Dobavljač se obavezuje da će opremu, koje je predmet ovog ugovora isporučiti do ugovorene količine, po sistemu jedinične cijene iz njegove prihvaćene ponude, koja je fiksna i ne može se mijenjati.

### **Član 4**

Cijena opreme iz člana 1. Ugovora iznosi:

- Cijena bez PDV-a iznosi: **1.797,00 KM**
- Porez na dodanu vrijednost (PDV 17%) iznosi: **305,49 KM**
- **UKUPNA VRIJEDNOST/CIJENA** sa PDV-om iznosi: **2.102,49 KM**  
(slovima: dvijehiljadestodvije i 49/100 KM).

## **III USLOVI I NAČIN PLAĆANJA**

### **Član 5**

Plaćanje će se izvršiti nakon isporuke robe od 30 dana po prijemu fakture. Plaćanje se obavlja na žiro račun Dobavljača broj: 1413095320013996 koji se vodi kod BBI banke. Naručilac ne prihvaća avansno plaćanje i traženje sredstava osiguranja plaćanja.

#### **IV ROK ISPORUKE**

##### **Član 6**

Rok isporuke Računarske opreme iz člana 1. ovog Ugovora je 30 (trideset) dana od datuma obostranog potpisivanja Ugovora.

Po isporukom opreme se podrazumjevaju sve potrebne radnje koje je Dobavljač dužan obaviti, prema ugovoru i prirodi posla, da bi Naručilac mogao primiti isporuku.

Dobavljač je dužan izvršiti ugovorenu isporuku predmeta nabavke prema vrsti i kvalitetu predviđenim Ugovorom te njegovim priložima. Dobavljač je dužan predati Naručiocu svu dokumentaciju koja se odnosi na izvršenje isporuke.

Mjesto izvršenja isporuke opreme je sjedište Poljoprivredno-prehrambenog fakulteta Univerziteta u Sarajevu, ul. Zmaja od Bosne 8.

Naručilac se obavezuje isplatiti cijenu i primiti isporuku opreme onako kako je predviđeno ovim Ugovorom. Obaveza Naručioca u vezi prijema ugovorene isporuke opreme se sastoji u obavljanju svih radnji koje se razumno od njega očekuje da bi omogućio Dobavljači isporuku.

#### **V NAČIN IZVRŠENJA ISPORUKE**

##### **Član 7**

Dobavljač je dužan isporuku opreme iz člana 1. Ugovora izvršiti u roku, način i pod uslovima određenim Ponudom Dobavljača i odredbama ovog Ugovora te pri tome postupati sa pažnjom dobrog privrednika odnosno s pažnjom dobrog stručnjaka u suprotnom preuzima i snosi punu odgovornost, troškove i rizik. U isporuci opreme Dobavljač je dužan osigurati da iste u njegovo ime izvršavaju eksperti/stručnjaci iz predmetne oblasti sa odgovarajućim nivoom znanja/vještina za konkretne poslove.

#### **VI ODGOVORNOST ZA MATERIJALNE I PRAVNE NEDOSTATKE**

##### **Član 8**

Dobavljač odgovara za materijalne nedostatke opreme koji je imao u času prelaska rizika na Naručioca. Dobavljač odgovara i za one materijalne nedostatke koji se pojave nakon prelaza rizika na naručioca ako su posljedica uzroka koji je postojao prije toga.

Nedostatak postoji ako opreme nema svojstva i odlike koje su izričito određene ovim Ugovorom i prihvaćenom ponudom Dobavljača.

##### **Član 9**

Garantni rok na koji se Dobavljač obavezuje u pogledu nabavke opreme za stavku Projektor i Laptop iznosi 24 (dvadesetčetiri) mjeseca a za Printer iznosi 12 (dvanaest) mjeseci.

#### **VII KAŠNJENJE U ISPORUCI**

##### **Član 10**

Dobavljač će snositi posljedice koje eventualno nastanu zbog kašnjenja u isporuci opreme ili neodgovarajućeg kvaliteta opreme.

U slučaju kašnjenja u isporuci roba, do kojeg je došlo krivicom Dobavljača, isti će platiti ugovorenu kaznu u skladu sa Zakonom o obligacionim odnosima u iznosu od 0,05% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može preći 5% od ukupno ugovorene vrijednosti robe koja je predmet nabavke. Izabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile.

## VIII STUPANJE UGOVORA NA SNAGU

### Član 11

Ovaj ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi sa ovim ugovorom računaju se od dana stupanja ugovora na snagu, ukoliko posebnom odredbom nije ugovoren neki drugi datum kao početak toka roka.

## IX ZAVRŠNE ODREDBE

### Član 14

Ukoliko se jedna od ugovornih strana ne pridržava odredbi ovog Ugovora, druga strana ima pravo na raskid ovog Ugovora.

### Član 15

Ugovorne strane su saglasne da će, u slučaju, da pojedina pitanja, vezana za izvršenje obaveza i ostvarivanje prava, po ovom ugovoru istim nisu regulisana, primjenjivati odgovarajuće odredbe Zakona o obligacionim odnosima.

### Član 16

Sve eventualne sporove koji nastanu u izvršenju ovog ugovora, ugovorene strane će nastojati da sporazumno riješe, a u slučaju da spor ne mogu sporazumno riješiti nadležan je sud sa sjedištem u Sarajevu.

### Član 17

Ovaj ugovor sačinjen je u 5 (pet) istovjetna primjerka od kojih Naručilac zadržava 3 (tri) primjerka, a Dobavljač zadržava 2 (dva) primjerka.

  
**ZA DOBAVLJAČA**  
**DIREKTOR**  
Aida Višća

Broj:

Datum: 04.02.2019.

  
**ZA NARUČIOCA:**  
**DEKAN**  
Prof. dr Muhamed Brka

Prof. dr Muhamed Brka

Broj: 01-1-311/2019

Datum: 04.02.2019. godine